



Broj: 08-04-11.2-2-536/26
Datum: 09.04.2026. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14, 59/22 i 50/24); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-536/26 od 06.04.2026. godine, u postupku javne nabavke materijala za tekuće održavanje objekata i opreme, ministar donosi:

ODLUKU **o izboru najpovoljnijeg ponuđača**

Član 1.

Prihvata se prijedlog Komisije za javne nabavke broj: 08-04-11.2-2-536/26 od 06.04.2026. godine i dodjeljuje se ugovor ponuđaču „Tep-Light“ d.o.o. Tuzla, Koste Racina 1, 75000 Tuzla u postupku javne nabavke materijala za tekuće održavanje objekata i opreme, objavljenog na Portalu javnih nabavki broj 1111-7-1-20-3-19/26 od 23.03.2026. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-536/26 od 23.03.2026. godine, MUP TK-a je pokrenulo postupak konkurentskog zahtjeva za dostavu ponuda za nabavku materijala za tekuće održavanje objekata i opreme. Na Portalu javnih nabavki objavljeno je Obavještenje o javnoj nabavci broj: 1111-7-1-20-3-19/26 od 23.03.2026. godine.

Do krajnjeg roka za prijem ponuda koji je bio 03.04.2026. godine do 11:00 sati, zaprimljene su ponude sljedećih ponuđača: „Singularia“ d.o.o. Tuzla i „Tep Light“ d.o.o. Tuzla.

Na osnovu Zapisnika komisije o pregledu i ocjeni ponuda broj: 08-04-11.2-2-536/26 od 06.04.2026. godine izvršena je analiza ponuda pri čemu je utvrđeno da su ponude ponuđača: „Singularia“ d.o.o. Tuzla i „Tep Light“ d.o.o. Tuzla, prihvatljive za ugovorni organ.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda

u početnoj ocjeni ponuda, te je zakazala početak e-aukcije u sistemu e-nabavke za dan 08.04.2026. godine u 14:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 08.04.2026. godine, Komisija je nastavila sa radom 09.04.2026. godine u 12:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

| Red.broj | Naziv ponuđača | Konačna cijena u KM bez PDV-a | Rang |
|----------|---------------------------|-------------------------------|------|
| 1. | „Tep Light” d.o.o. Tuzla | 29.350,00 | 1 |
| 2. | „Singularia” d.o.o. Tuzla | 29.400,00 | 2 |

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku materijala za tekuće održavanje objekata i opreme dodijeli ponuđaču „Tep-Light” d.o.o. Tuzla, Koste Racina 1, 75000 Tuzla, s obzirom da je isti dostavio prihvatljivu ponudu s najnižom cijenom u iznosu od 29.350,00 KM bez PDV-a, odnosno 34.339,50 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a



MINISTAR

Nedžad Bristrić